



Broj: 01_____/16
Banja Luka, _____ 2016. godine

UPRAVNI ODBOR UIO
SARAJEVO

**PREDMET: Skraćeni izvještaj o aktivnostima UIO provedenim u 2015. godini,
dostavlja se**

Uprava za indirektno oporezivanje (UIO) u toku 2015. godine poslove iz svoje nadležnosti obavljala je putem realizovanja planiranih aktivnosti i provođenjem mjera za obezbjeđivanje dosljedne primjene propisa iz oblasti indirektnih poreza u svrhu poboljšanja kvaliteta i efekata kontrole poštivanja obaveza indirektnih poreza i povećanja naplate prihoda od indirektnih poreza. UIO je svoje aktivnosti izvršavala sa ukupno 2499 izvršilaca na dan 31.12.2015.godine, s tim da ovaj broj izvršilaca nije dovoljan za efikasno funkcionisanje, te je potrebno izvršiti popunu sistematizovanih radnih mjesta dovoljnim brojem izvršilaca u skladu sa Pravilnikom o unutrašnjoj organizaciji UIO („Službeni glasnik BiH“ broj 29/13). Posebna pažnja je posvećena transparentnom funkcionisanju UIO i obezbjeđivanju svakodnevne komunikacijesa javnosti putem medija i organizovanih press konferencija. Riješeno je 65 zahtjeva za pristup informacijama u skladu sa Zakonom o slobodi pristupa informacijama i 135 pismenih zahtjeva za davanje objašnjenja o primjeni propisa o indirektnim porezima i 1838 zahtjeva za objašnjenja upućenih putem službenog mail-a. Takođe je postupano po 230 zahtjeva za izradu obvezujućih mišljenja iz oblasti indirektnih poreza i sačinjeno je preko 3000 objašnjenja, mišljenja i raznih akata putem kojih se učesnicima u postupku indirektnog oporezivanja i drugim organima, date stručne informacije o raznim pitanjima u vezi primjene carinskih i drugih propisa. Uspješno je okončan proces uspostave sistema internih kontrola, sistema upravljanja rizikom i sistem upravljanja rizikom od korupcije u UIO. Znatno je unaprijeđen rad interne revizije UIO kroz obuku internih revizora i poboljšan je normativni okvir donošenjem strateških dokumenata. Planirano je i realizovano devet revizija koje su rezultirale ukazivanjem na slabosti u procesima planiranja kontrola poreskih obveznika, povrata PDV-a i kvaliteta rada poreskih inspektora i dr., te su date preporuke za otklanjanje nedostataka i poboljšanje revidiranih sistema. U postupku unutrašnje kontrole zakonitosti i ažurnosti rada organizacionih jedinica i zaposlenih u UIO postupano je u 68 predmeta i izrečeno 59 disciplinskih mjera zbog povrede službene dužnosti. U 2015. godini UIO je započela implemantaciju novog carinskog informacionog podsistema Asycuda World za obradu carinskih prijava i provodene su aktivnosti na razvoju NCTS-a (novog kompjuterizovanog tranzitnog sistema), a uporedo i na usaglašavanju nacionalnog sa zakonodavstvom EU u pomenutoj oblasti. UIO je uspostavila sistem infrastrukture javnih ključeva (PKI) koji je tehnički kompletiran, testiran i funkcionalan. Sistem je osposobljen za izdavanja kvalifikovanih elektronskih certifikata korisnicima za kvalifikovano elektronsko potpisivanje i izdavanja vremenskog žiga u aplikacijama koje koristi UIO. Urađen je projektni

zadatak za izradu nove poreske aplikacije. Pripremljena su u formi nacrtu podzakonska akta potrebna za rad ovjerioca (certifikacionog tijela) i UIO je spremna za podnošenje zahtjeva za akreditaciju, s tim da je implementacija moguća nakon normativnog uređenja oblasti korištenja elektronskog potpisa na nivou BiH. Izvršena je rekonstrukcija komunikacijske mreže informacionog sistema UIO primjenom najmodernijih tehnologija u prenosu podataka.

U izvještajnom periodu je uspostavljena funkcija analize i upravljanje rizicima u UIO i tokom 2015. godine težište aktivnosti usmjereno je na: analizu rizika prema vrstama prikupljenih prihoda da bi se utvrdile potencijalne oblasti rizika po prihode i predložile reakcije na rizike; analizu poreskih obveznika radi izrade prijedloga za kontrolu obveznika; analizu po dostavljenim modalitetima poreskih prevara; analizu i izrada prijedloga kriterija selektiviteta koji se koriste pri obradi carinskih deklaracija u ASYCUDA carinskom informacionom podsistemu; analizu za izradu dijela godišnjeg plana naknadnih carinskih kontrola za 2016. godinu; analizu eksternog okruženja kako bi se identificirali konkretni specifični rizici u određenim sektorima privrede i osigurala rješenja. Rezultati analiza korišteni su u planiranju kontrolnih aktivnosti, po kojem osnovu je u oblasti PDV-a u 2015. godini izvršeno 1.039 kontrola čiji su ukupni efekti 19.1 mil KM.

U 2015. godini u carinskom postupku obrađeno je ukupno 930.033 carinskih prijava, što je za 3,97% više u odnosu na 2014. godinu, od čega se 673.860 odnosi na uvozne carinske prijave i 256.173 izvoznih carinskih prijava, što je za 5,72% više u odnosu na 2014. godinu. Ukupna vrijednost uvoza robe u BiH nad kojom je proveden carinski postupak u 2015. godini je 16.9 mlrd KM, što je za 1,79% manje u odnosu na 2014. godinu, dok je ukupna vrijednost izvoza 9.4 mlrd KM, što je za 2,99% više u odnosu na vrijednost izvoza u 2014. godini.

U izvještajnom periodu zaprimljeno je i obrađeno 596.60 PDV prijava, 2.565 PDA prijava, te 15.314 izmjenjenih PDV prijava i obrađeno je 569 zahtjeva za uparivanje neraspoređenih uplata, kao i 115 zahtjeva za preknjižavanje izvršenih uplata.

Tokom 2015. godine u prvostepenom upravnom postupku riješeno je 13.521 upravnih carinskih predmeta. U izvještajnom periodu izvršeno je 309 laboratorijskih analiza i zatražena provjera porijekla i vrijednosti carinske robe u 3733 predmeta.

U UIO je u 2015. godini riješeno 3680 zahtjeva za upis u Jedinostveni registar obveznika indirektnih poreza, doneseno je 1906 rješenja po zahtjevima za izmjenu podataka u Jedinostvenom registru obveznika indirektnih poreza i u 2439 slučajeva rješavani predmeti prestanka registracije/oduzimanja ID broja, i doneseno 75 rješenje po žalbama u prvom stepenu.

Takođe je doneseno je 2501 rješenja po zahtjevu za paušalnu naknadu, 2589 rješenja po zahtjevima za povrat plaćene akcize na lož ulje i 71 rješenja po zahtjevima za povrat akcize plaćene na alkohol i etil alkohol. U drugostepenom postupku po žalbama UIO je riješila ukupno 1639 predmeta od ukupno 3107 upravnih predmeta. Sačinjeno je 329 odgovora na tužbe povodom pokrenutih upravnih sporova, te doneseno 27 odluka po vanrednim pravnim lijekovima, te ipremljeno 20 izjašnjenja na tužbe za naknadu štete i tri inicijative za pokretanje parničnog postupka.

ZAKONODAVNE AKTIVNOSTI

UIO je u toku 2015. godine u skadu sa odredbama zakona koji regulišu indirektnu porezu donijela podzakonske akte: Odluku o visini stope kompenzatorne kamate, Uputstvo o pojednostavljenom carinskom postupku po fakturi, Uputstvo o pojednostavljenom carinskom postupku za robu koja se prenosi cjevovodom i električnim vodom, Uputstvo o carinskom postupku u putničkom prometu, Uputstvo o dopuni Uputstva o JCI u vezi primjene nove ASYCUDA World, Instrukciju o postupku ostvarivanja carinskih i poreskih oslobođanja (IPA II), Uputstvo o izmjeni Uputstva o provođenju postupka po karnetu TIR, Uputstvo o preduzimanju mjera osiguranja u postupku registracije i upisa u jedinstveni registar obveznika indirektnih poreza, Instrukcija o izmjeni Instrukcije o povratu poreza na dodanu vrijednost stranim državljanima, Odluka o određivanju velikih obveznika indirektnih poreza, Odluku o utvrđivanju posebne i minimalne akcize na

cigarete i iznos akcize na duhan za pušenje za 2016. godinu, Priručnik za kontrolu PDV po prijavi, akcize i putarine i Metodologija izrade zapisnika o kontroli.

ZAKLJUČIVANJE MEĐUNARODNIH UGOVORA

UIO je nosilac aktivnosti u procesu pristupanja BiH programima EU Carine 2020 i Fiskalis 2020 i u okviru istog provodi sve zahtijevane aktivnosti.

EVROPSKE INTEGRACIJE

UIO u postupku donošenja propisa iz oblasti indirektnih poreza vrši redovno konsultacije u smislu usklađivanja propisa sa EU zakonodavstvom. Takođe UIO kontinuirano učestvuje u pripremi informacija za potrebe pregovaračkog postupka iz oblasti indirektnih poreza u procesu pridruživanja BiH Evropskoj uniji.

PLANIRANI I REALIZOVANI PROGRAMSKI ZADACI

Naplata prihoda

U 2015. godini UIO je ukupno prikupila 6,354 mlrd KM prihoda na Jedinstvenom računu što predstavlja ostvarenje plana naplate prihoda i u poređenju sa 2014. godinom na Jedinstveni račun je u 2015. godini prikupljeno više prihoda za 113 miliona KM (1,82%). U strukturi ukupno prikupljenih prihoda od indirektnih poreza i ostalih prihoda, uplaćenih na Jedinstveni račun najviše je prikupljeno prihoda od poreza na dodanu vrijednost (PDV), u iznosu od 4,333 mlrd KM, od akciza na uvozne proizvode u iznosu od 965 miliona KM (15,18%), od akciza na domaće proizvode u iznosu od 450 miliona KM (7,07%), od putarina na naftne derivate u iznosu od 320 mil KM (5,04%) od carinskih dažbina u iznosu od 245 mil KM (3,86%). Takođe u 2015. godini je nastavljen rast prihoda po osnovu carinskih dažbina i isti su za 2,06% veći u odnosu na 2014. godinu. U 2015. godini evidentan je rast ukupnih akciza na koje je u najvećem dijelu uticao rast akciza na uvozne duvanske prerađevine, a što je prvenstveno rezultat politika u oblasti indirektnog oporezivanja duvanskih prerađevina. U 2015. godini dodatno je povećan iznos posebne akcize na cigarete za 0,15 KM u cilju harmonizacije akcizne politike BiH sa politikom akciza na cigarete u EU. Posebna akciza je povećana sa 0,90 KM na 1,05 KM za pakovanje od 20 komada u 2015. godini, dok minimalna akciza iznosi 2,00 KM za pakovanje cigareta od 20 komada. Na duvan za pušenje plaća se akciza u iznosu od 80,00 KM po kilogramu. U 2015. godini prihodi od akciza na duvanske prerađevine veći su za cca 54 mil KM u odnosu na 2014. godinu, od toga akciza na uvozne duvanske prerađevine bilježi rast od cca 24 mil KM, dok akciza na domaće duvanske prerađevine bilježi rast od cca 30 mil KM. Strukturu rasta ukupnih akciza čine prihodi po osnovu akciza na uvozne proizvode koji su veći za 7,77% u odnosu na 2014. godinu i prihodi po osnovu domaćih akciza koji su veći za 7,80%. Kontinuirano povećanje posebne akcize rezultiralo je porastom cijena cigareta, koje su i u 2015. godini uticale na pad potrošnje uvoznih cigareta mjerene brojem izdatih akciznih markica za uvozne cigarete, a istovremeno bilježimo rast potrošnje domaćih cigareta, na što upućuje podatak o izdatim akciznim markicama na duvanske prerađevine. Naime, u 2015. godini izdato je više za 7,9 mil komada akciznih markica na domaće cigarete u odnosu na 2014. godinu, dok je kod uvoznih cigareta zabilježeno manje izdatih markica u 2015. godini u odnosu na 2014. godinu za 10,3 mil komada. Naplata prihoda od indirektnih poreza u 2015. godini po vrsti iskazana je u Tabeli 1. u prilogu.

Prinudna naplata dugovanja

Ukupan dug po osnovu PDV-a počev od 01.01.2006. godine do 31.12.2015. godine iznosi 430.4 mil KM, od čega se najveći dio duga, odnosno 79,65% odnosi na dug po PDV prijavi. U poređnom analizom stanja duga po osnovu PDV-a u 2015. godini u odnosu na 2014. godinu evidentno je povećanje naplate duga po PDV prijavi u 2015. godini za 1,59 %. Naime na dan 31.12.2014. godine procenat naplate duga po PDV prijavi iznosio je 65,91 %, dok je procenat naplate duga na kraju 2015. godine iznosio 67,50 %, odnosno povećan je za 33.9 mil KM ili 1,59 %. Ukupno obračunata kamata iznosi 85.8 mil KM od čega je uplaćeno 63.3 mil KM. U toku 2015. godine za dug po osnovu PDV-a pokrenut je postupak prinudne naplate za iznos od 151.4

mil KM od čega je ukupno naplaćeno 70.1 mil KM. Dug po PDV prijavi iznosi 68.9 mil KM ili 84,78 %, dok je dug po osnovu automatskog razreza PDV u iznosu od 12.4 mil KM tj. 15,20 %. Procenat naplate duga po osnovu PDV prijave za dug iz 2015. godine iznosi 50,38 %, koji procenat je manji u odnosu na procenat naplate ukupnog duga iz razloga što u skladu sa članom 34. Zakona o postupku indirektnog oporezivanja ("Sužbeni glasnik BiH", broj 89/05 i 100/13) uplate namiruju najstariju obavezu. Kada se upoređuju podaci za 2015. i 2014. godinu vidljivo je da je u 2015. godini veći ukupan iznos duga za koji je pokrenut postupak prinudne naplate za 487.649,92 KM dok je naplaćen iznos za taj dug povećan za 4.0 mil KM. Procenat naplate duga po osnovu PDV prijave za koji je pokrenut postupak prinudne naplate u 2015.godini povećan je za 2,66% u odnosu na 2014. godinu. Ukupan dug po osnovu akcize za koji je automatski pokrenut postupak prinudne naplate na dan 31.12.2015. godine iznosi 10.7 mil KM, od čega je u 2015.godini pokrenut postupak prinudne naplate za iznos od 7.4 mil KM. Ukupan dug fizičkih i pravnih lica iz carinskog postupka na dan 31.12.2015.godine za koji je pokrenut postupak prinudne naplate iznosi 26.2 mil KM, od čega je u 2015.godini pokrenut postupak prinudne naplate za dug iz carinskog postupka u iznosu od 6.1 mil KM i naplaćen iznos od 1.1 mil KM. Dug po osnovu terminala na dan 31.12.2015.godine iznosi 4.1 mil KM i manji je u odnosu na dug na dan 31.12.2014.godine za 342.492,81 KM. U toku 2015.godine pokrenut je postupak prinudne naplate za dug po osnovu terminala u iznosu od 346.890,86 KM, od čega je naplaćen iznos od 110.418,89 KM. Za dug u iznosu od 15.7 mil KM u toku 2015. godine odobreno je odgođeno plaćanje ili plaćanje duga u ratama, za 26 obveznika, za koji dug je Uprava prihvatila zakonom propisana sredstva bezbjedenja duga (sveobuhvatna garancija banke, hipoteka na nekretninama, zalog na pokretnoj imovini).

U odnosu na 2014. godinu smanjen je broj podnesenih zahtjeva za odgođeno plaćanje za 12, a iznos duga za koji je odobreno odgođeno plaćanje manji za 6,0 mil KM.

Takođe treba napomenuti da je od 30.12.2013.godine u primjeni manja stopa kamate koja se obračunava na dug koji nije plaćen u roku kao i manji procenat naknadnog tereta prinude. Takođe su u toku 2015.godine ostvareni prvi efekti od prodaje zaplijenjenih vrijednosnih papira i nepokretne imovine.

Vrijednost privremeno oduzete robe u 2015. godini na nivou UIO iznosi 1.5 mil KM. Vrijednost prodane robe u 2015.godini iznosi 245.900,27 KM što je za 126.491,06 KM više nego u 2014.godini, a vrijednost uništene robe u 2015.godini iznosi 380.289,37 KM što je za 1.2 mil KM manje nego u 2014.godini, vrijednost vraćene robe u 2015.godini iznosi 95.836,35 KM što je za 63.091,54 KM više nego u 2014. godini.

Kontrolna aktivnost

U oblasti provođenja propisa UIO je preduzimala aktivnosti na otkrivanju, sprečavanju i procesuiranju počinilaca krivičnih djela i prekršaja iz oblasti indirektnih poreza. U 2015.godini nadležnom tužilaštvu podneseno je 96 izvještaja o postojanju osnova sumnje o počinjenom krivičnom djelu u kojima je prijavljena ukupna šteta u iznosu od 57.6 mil KM, te dostavljene 22 informacija. U oblasti sprečavanja krijumčarenja i prekršaja podneseno je 955 zahtjeva za pokretanje prekršajnog postupka nadležnim sudovima i privremeno oduzeta roba kojom je počinjen prekršaj u procijenjenoj vrijednosti od cca 5.7 mil KM, izdato je ukupno 11.716 prekršajnih naloga. U 2015. godini putem otvorene linije i službene e-mail adrese UIO zaprimljeno je 387 prijava i postupanjem po istim zabilježen je finansijski učinak u iznosu od 2.1 mil KM (razrez poreske obaveze, iznos naknadne carinske kontrole i izdatih prekršajnih naloga, te privremeno oduzeta roba).

Provedeno je ukupno 1.055 naknadnih carinskih kontrola, te je po prijedlozima za naknadnu naplatu naplaćen iznos od 697.103,28 KM.

Tokom 2015. godine UIO je izvršila 1.549 kontrola kod velikih poreskih obveznika, što je za 5 % više od planiranog (planirano 1.470). Broj izvršenih kontrola za 2015. godinu je povećan za cca 15,5 % u odnosu na broj izvršenih kontrola za 2014. godinu (izvršeno 1.340). Bruto efekat ovih kontrola ostvaren u 2015. godini iznosi 30.6 mil KM, što predstavlja ukupan razrez dodatne

obaveze prema rješenjima inspektora. Neto efekat (efekat nakon rješavanja žalbi) ostvaren tokom 2015. godine iznosi 28.1 mil KM, što je za 81,85 % više nego u 2014. godini kad je ostvareni neto efekat iznosio 15.4 mil KM.

Kod ostalih poreskih obveznika u 2015. godini izvršeno je ukupno 7.012 kontrola, što je za 3.367 kontrola manje od planiranog broja kontrola za 2015. godinu iz razloga što je u izvještajnom periodu izvršen manji broj informativnih kontrola, dok je izvršen veći broj potpunih kontrola (94,5 % u odnosu na planirani broj kontrola). Ukupan broj izvršenih kontrola za 2015. godinu je u odnosu na broj izvršenih kontrola za 2014. godinu (izvršeno 5.312) povećan za 32% Bruto efekat ovih kontrola iznosi 62.5 mil KM što predstavlja ukupan razrez dodatne obaveze prema rješenjima inspektora. Neto efekat (efekat nakon rješavanja žalbi) istih ostvaren tokom 2015. godine iznosi 53.4 mil KM, što je za 0,71 % manje nego u 2014. godini kad je ostvareni neto efekat iznosio 53.7 mil KM.

Povrat PDV-a

UIO je u 2015. godini obveznicima indirektnih poreza po osnovu povrata indirektnih poreza vratila iznos od 1,094 mlrd KM što je za 77 mil KM (6,58%) manje u odnosu na 2014. godinu. Od toga se 992 mil KM odnosi na povrat PDV-a obveznicima po poreskim prijavama, 91 mil KM PDV-a je vraćeno međunarodnim organizacijama, a 11 mil KM se odnosi na povrate po ostalim osnovama (povrati po rješenjima iz carinskog postupka, povrati akciza). Na pad povrata PDV-a privrednim subjektima prevashodno je uticao pad povrata PDV-a u skladu sa članom 29. stav 1. tačka 1-4. Zakona o PDV-u ,odnosno, za potrebe povrata PDV-a u skladu sa članom 29. Zakona o PDV-u (tačke 1, 2. i 3. diplomatska i konzularna predstavništva, međunarodne organizacije i osoblje; tačka 4. međunarodni projekti pružanja pomoći) u 2015. godini rezervisana su sredstva u iznosu od 91 mil KM a što je u odnosu na rezervisana sredstva za isti period prethodne godine kada su iznosila 153 mil KM manje za 40,29% odnosno za cca 62 mil KM.

Raspodjela prihoda

Prikupljeni neto prihodi za raspodjelu korisnicima prihoda u 2015. godini iznose 5,259 mlrd KM i isti su u odnosu na 2014. godinu, kada su iznosili 5,069 mlrd KM veći za 3,76%.

Korisnicima su doznačena sredstava i to: 750 miliona KM u korist BiH - finansiranje institucija, 2,813 mlrd KM u korist Federacije BiH, 1,416 mlrd KM u korist Republike Srpske i 156 miliona KM u korist Distrikta Brčko BIH. U 2015. godini, FBiH doznačeno je 4,70%, RS 4,07% i BD BiH 4,49% više prihoda nego u 2014. godini.

BUDŽETSKA SREDSTVA

Zakonom o Budžetu institucija Bosne i Hercegovine i međunarodnih obaveza Bosne i Hercegovine za 2015. godinu ("Službeni glasnik BiH" broj: 40/15) planiran je budžet za UIO u iznosu od 96.448.000 KM, od čega za tekuće i kapitalne izdatke fiskalne godine 82.418.088 KM, višegodišnja kapitalna ulaganja 14.009.912 KM i 20.000 KM prihod od prodaje rashodovane stalne imovine.

Za višegodišnja kapitalna ulaganja shodno Odluci o odobravanju Projekta nabavke i izgradnje objekata za regionalne centre i Središnji ured UIO i izgradnje i rekonstrukcije graničnih prijelaza, odobrena su ukupna sredstva u iznosu od 116.982.421 KM od toga iznosa, budžetska sredstva u ukupnom iznosu od 105.638.607 KM i sredstva iz raspodjele sredstava uplaćenih na ime dodjeljenje dozvole za Univerzalne mobilne telekomunikacione sisteme u iznosu 11.343.814 KM. Navedenom Odlukom planirana su sredstva za izgradnju objekata za Središnji ured i regionalne centre Banja Luka, Mostar, Tuzla i Sarajevo (69.107.886 KM), izgradnju GP Gradiška (25.000.000 KM), rekonstrukciju graničnih prijelaza (1.360.000 KM) izgradnju graničnih prijelaza Ivanjica i Gorica (2.970.000 KM), izgradnju graničnih prelaza Bijača i Svilaj (18.544.535 KM). Od višegodišnjih kapitalnih ulaganja, prethodnih godina završeni su objekti za regionalne centre Mostar i Tuzla, izvršena je rekonstrukcija postojećeg GP Gradiška, završena je izgradnja GP Bijača., nabavljen je objekat za potrebe Regionalnog centra Sarajevo, a u 2015. godini završeno je opremanje objekta za Regionalni centar Sarajevo, izvršena je eksproprijacija

zemljišta za izgradnju GP Svilaj, završena je rekonstrukcija GP Šamc i Izačić, a u toku je izgradnja GP Gradiška. Također, završena je planirana nabavka hardvera i softvera za višegodišnji projekat „Implementacija NCTS - New Computerised Transit System – u Bosni i Hercegovini“, ukupne vrijednosti od 13.390.000 KM, i to iz sredstva planiranih u budžetu institucija BiH (za 2013.godinu iznos 500.000 KM i za 2014. godinu 9.500.000 KM), te iz sredstava IPA fondova (za 2015. godinu iznos 2.000.000 KM i za 2016. godinu iznos 1.390.000 KM).

Na pozicijama tekućih izdataka, za koje je ukupno planirano 81.278.000 KM, izvršenje u 2015. godini je u skladu sa planiranim sredstvima.

DIREKTOR

Dr. Miro Džakula

**PREGLED OSTVARENIH BRUTO PRIHODA OD INDIREKTNIH POREZA NA JEDINSTVENOM RAČUNU
ZA PERIOD JANUAR - DECEMBAR 2015. GODINE**

Tabela 1 u (000 KM)

Redni broj	Opis	Godišnji plan 2015*	Ostvareno za period I- XII		Index		% učešća u ukupnim ostvarenim prihodima
			2015	2014	I- XII/15 ----- god. plan	I- XII/15 ----- I- XII/14	
I	Vrsta prihoda						
1.1.	Carine	252.700	245.449	240.497	97,13	102,06	3,86
1.2.	Akcize	1.381.100	1.414.186	1.312.084	102,40	107,78	22,26
1.3.	PDV	4.422.100	4.332.625	4.366.528	97,98	99,22	68,19
1.4.	Putarina	303.900	320.452	297.391	105,45	107,75	5,04
1.5.	Ostali prihodi	24.000	18.646	17.910	77,69	104,11	0,29
1.6.	Neusklađeni prihodi	0	22.467	6.094		-	0,35
II	Ukupno bruto prihodi (tačka 1.1 do 1.6.)	6.383.800	6.353.825	6.240.504	99,53	101,82	100,00
III	Raspored prihoda (tačka 3.1. do 3.6.)		6.357.658	6.236.856		101,94	
3.1.	Putarina		128.291	118.824		107,97	
3.2.	Minimalne rezerve		1.094.495	1.171.596		93,42	
3.3.	BiH - finansiranje institucija		750.000	750.000		100,00	
3.4.	Federacija		2.813.068	2.686.747		104,70	
3.5.	Republika Srpska		1.416.141	1.360.716		104,07	
3.6.	Distrikt Brčko		155.663	148.973		104,49	

*Napomena: Plan prihoda izrađen na bazi revidiranih aprilskih projekcija indirektnih poreza za period 2015-2018 dostavljenih od strane Odjeljenja za makroekonomsku analizu.